

BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA



BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR

Broj: 05-03/02-14-942-2/15
Dana, 13.11.2015. godine

17-11-2015

Na temelju člana 69.stav (3)., člana 70.stav 1.,4.,6., Zakona o javnim nabavkama („Službeni glasnik BiH“ broj 39/14), člana 17.stav 3.Zakona o unutrašnjim poslovima Unsko-sanskog kantona („Službeni glasnik USK - a“, broj 1/97, 1/02, 6/02,8/02.), a postupajući po zahtjevu za pojašnjenje "Eurohere osiguranja" d.d. Sarajevo od 11.11.2015.godine, Ministar Ministarstva unutrašnjih poslova Unsko-sanskog kantona,

d o n o s i:

ODLUKU
o poništenju postupka javne nabavke

Član 1.

Poništava se postupak javne nabavke usluga obaveznog osiguranja vozila sa tehničkim pregledom i uplaćenim dadžbinama za 2016.godinu zbog činjenica koje su izvan kontrole ugovornog organa i koje se nisu mogle predvidjeti u vrijeme pokretanja postupka javne nabavke-član 69.stav (3).

Član 2.

Za izvršenje ove Odluke zadužuje se Sektor za materijalno-finansijske poslove i podršku.

Član 3.

Ova Odluka objavit će se na www.mupusk.gov.ba istovremeno sa upućivanjem ponudačima koji su preuzeli tendersku dokumentaciju sa portala javnih nabavki za učešće u postupku javne nabavke shodno članu 70.stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

U postupku po zahtjevu Uprave policije broj: 05-04-50/15 od 13.07.2015.godine Ministarstvo unutrašnjih poslova je donijelo Odluku o pokretanju procedure nabavke usluga obaveznog osiguranja vozila sa tehničkim pregledom i uplaćenim dadžbinama za 2016.godin broj: 05-03/02-14-942/15 od 21.09.2015.godine putem konkurentskog zahtjeva za dostavljanje ponuda. Obavještenje broj: 709-7-2-69-3-32/15 je poslano na objavu dana 03.11.2015.godine uz istovremeno objavljivanje na portalu javnih nabavki i tenderske dokumentacije i upućivanje poziva potencijalnim ponuđačima. Po obavijesti Agencije za javne nabavke, tendersku dokumentaciju su preuzeli: DD za osiguranje „Camelija“ Bihać i DD za osiguranje „VGT“ Visoko dana 04.11.2015.godine, a 05.11.2015.godine ponuđač „Euroherc osiguranje“ dd Sarajevo. Dana 11.11.2015.godine ponuđač „Euroherc osiguranje“ je uputio zahtjev putem maila za izmjenu/pojašnjenje tenderske dokumentacije na način da se iz iste isključe usluge koje se odnose na tehnički pregled i registraciju- uplate dadžbina, da su iste u suprotnosti sa odredbama Zakona o društvima za osiguranje u privatnom osiguranju („Službene novine F BiH broj: 24/05 i 36/10). Razmatrajući zahtjev ugovorni organ je utvrdio da u tenderskoj dokumentaciji nedostaje da se ponude sačinjavaju u skladu sa Premijskim sistemom X-AO, da osiguranik nije imao šteta, te s toga ostvaruje bonuse a na osnovu potvrde prethodnog osiguravatelja koja nedostaje kao prilog tenderskoj dokumentaciji. Pojašnjenje i ispravka tenderske dokumentacije, doveli bi do suštinskih izmjena iste u samom nazivu LOT-a, do cjelokupne tenderske dokumentacije i podjele na dva LOT-a. Odluka o pokretanju postupka javne nabavke bi bila u suprotnosti sa ispravkom Obavještenja, ugovorni organ je donio odluku o poništenju postupka javne nabavke i po objavi poništenja, pokrenut će se novi postupak koji bi se sastojao iz dva lota ili dva obavještenja za usluge osiguranja i usluge tehničkog pregleda. Dana 12.11.2015.godine, ugovorni organ je faxom tražio savjetodavnu pomoć od Agencije za javne nabavke, i odgovorom broj 04-02-1-4280-1/15 od 12.11.2015.godine dobili smo mišljenje da se isto može poništiti u skladu sa članom 69.stav (3) Zakona o javnim nabavkama.

Na osnovu utvrđenog činjeničnog stanja, odlučeno je kao u članu 1.ove Odluke.

Pouka o pravnom lijeku

Žalba se izjavljuje Uredu za razmatranje žalbi, putem ugovornog organa, u roku od 10 (deset) dana od dana prijema ove Odluke

Dostavljeno:

- 1.Ministru
- 2.Komisiji za nabavke MUP-a USK
- 3.Sektor za mat.fin.poslove i podršku
- 4.a/a

Ministar Ministarstva unutrašnjih poslova

Senad Kljajić

502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, info@mupusk.gov.ba